

ԽՈՐՀՐԴԱՅԻՆ ՀԱՅԱՍՏԱՆԻ ԻՎ ԼԵՌՆԱՀԱՅԱՍՏԱՆԻ ԿԱՌԱՎԱՐՈՒԹՅՈՒՆՆԵՐԻ
ՆԵՐՈՒԱՅՈՒՑԻՉՆԵՐԻ ՍԻՍԻԱՆԻ ԲԱՆԱԿՑՈՒԹՅՈՒՆՆԵՐԸ

(1921 թ. մայիս)

Ա. Հ. ՍԻՄՈՆՅԱՆ

Արդեն 1921 թ. ապրիլի վերջերին Կարմիր բանակը պատրաստ էր վրձ-
նակուն նոր հարձակումով զբաղվել Զանգեզուրը:

Բայց այդ ժամանակ դա չարվեց, և ռազմական գործողությունները ժամա-
նակապես դադարեցին: Հիմնական պատճառը վատ եղանակներն էին:
Նախորդ տարվա աշնանն էլ Զանգեզուրում Կարմիր բանակի զորամասերի կը-
րաժ ձանր սլարտությունները շատ բանով պայմանավորված էին խիստ անբա-
րենյալ կողմերով: Երկարատև հորդառատ անձրևներ, ամպամածություն և,
վերջապես, նոյեմբերյան ճաքճաք սառնամանիքներ: Այժմ բանակի հրա-
մուտարությունը հաշվի էր առնում, որ ապրիլ-մայիս ամիսներին Զանգե-
զուրում լինում են հորդառատ անձրևներ և թանձր մառախուղ, մի բան, որ կա-
րող էր նորից արգելք լինել կսիվների հաջող ծավալմանը:

Ուղղական գործողությունների հետաձգումը հետապնդում էր նաև մի ու-
րիշ նպատակ: Խորհրդային Հայաստանը հողի ու ջրի պես կարիք ուներ խաղաղ
անունակական աշխատանքի: Հանրապետության շահերը պահանջում էին բոլոր
ուժերը դորահավաքի ենթարկել, բայց ոչ թե ռազմական նոր գործողություններ
ձեռնարկելու, այլ երկիրը բաշխվածությունից դուրս բերելու համար: Նկատի
առնելով այդ հանդամանքները, իմ Հայաստանի կառավարությունը ջանում էր
ուրան կարելի է արագ վերջ տալ պատերազմական վիճակին և Զանգեզուրը
խորհրդայնացնել բանակցությունների միջոցով:

Երևանից եկած մի շարք առաջարկներից հետո Լեռնահայաստանի կառա-
վարությունը, վերջապես, համաձայնություն տվեց Զանգեզուրի հետագա ճա-
կատարի հարցով բանակցությունների նստել խորհրդային կողմի հետ:

Հայաստանի հեղափոխական կոմիտեի որոշմամբ ապրիլի վերջերին կազմ-
վեց 5 հոգուց բաղկացած մի պատվիրակություն, որը սիրտի աշխատեք խաղաղ
բանակցությունների միջոցով վերջ տալ Զանգեզուրի ապստամբությանը: Պատ-
վիրակության կազմի մեջ էին. Խորհրդային Հայաստանի կառավարության կոո-
միտե՝ Արտաշես Կարինյանը (սլավոփրակության գեկավար) և Վասիլի Մելնի-
կովը (Կարմիր բանակի ներկայացուցիչ), ինչպես նաև Երևանի քաղաքացիներ
ի կողմից երեք ոչ բուլղերիներ՝ Դավիթ Անանունը, Ա. Դոն և Հ. Մելիքյանը¹:
Երբեք երեք անձնավորություններն իրենց կողմից պիտի արագացնեին ռա-
նակցությունների ընթացքը, և Հայաստանի մտավորականության կողմից Զան-
գեզուրի իշխանություններին խորհուրդ տալին համաձայնության դալ Երևանի
հետ:

Պատգամավորությունը լրիվ կազմով Երևանից դուրս է գալիս մայիսի
1-ին և մայիսի 3-ին հասնում մերձակատային Հերհեր դուրս: Նույն օրը Երե-
վանի մառվորականության երեք ներկայացուցիչները այստեղից ուղևորվում
են տասր վերստ հեռավորության վրա գնլած Գնդեվադ գյուղը, ուր գտնվում
էր Վրայդ Զորի գալառապետ Յասոնի շտաբը: Նույն օրը մտավորականու-
թյան պատվիրակները հասնում են Գնդեվադ: Իսկ Խորհրդային Հայաստանի

¹ Հայաստանի Հանրապետության Նորագույն պատմության կենտրոնական պետական արխիվ
այսուհետև՝ ՀՀ ՆՊԿՊԱ), ֆ. 113, ց. 3, գ. 61, թ. 20:

կառավարության պատվիրակները՝ Ա. Կարինյանը և Վ. Մելնիկովը մնում են Հերհերում: Հերհերում Ա. Կարինյանը և Վ. Մելնիկովը սպասում են երկու օր. բայց լուր չստանալով, հետևյալ պաշտոնական դիմումն են ուղարկում Գնդավազ, Յապոնիին:

«Ջանգեզուրի կառավարությանը և զորահրամանատարությանը.

Հայաստանի Հեղկոմը և Կարմիր դորաքանակի հրամանատարությունը հանձնարարել են մեզ սկսել հաշտության բանակցություններ Ջանգեզուրում գոյություն ունեցող կառավարության հետ՝ զինվորական գործողությունների դադարեցման համար: Խնդրում ենք տեսակցության տեղի և ժամանակի մասին հաղորդել Հերհեր:

Ա. Կարինյան

Վ. Մելնիկով

Հերհեր գյուղ

1921 թ. մայիսի 5»²

Անցնում է հինգ օր: Կարինյանն ու Մելնիկովը, Հերհերում նստած, Գորիսի սիր սպասում էին պաշտոնական պատասխանի, բայց պատասխանն այդպես էլ չէր դալիս: Նրանք ստիպված հետևյալ նամակն ուղարկեցին Գնդավազ, Յապոնիին՝ Գորիս հաղորդելու համար:

«Ջանգեզուրի կառավարությանը և զորահրամանատարությանը.

Ս. թ. մայիսի 5-ի մեր առաջարկը մինչև այժմ մնացել է առանց պատասխանի: Այս նկատառումով տպավորություն է ստեղծվում, թե Ջանգեզուրում գոյություն ունեցող կառավարությունը հակված չէ խաղաղ բանակցությունների ուղիով դադարեցնել ռազմական գործողությունները: Ուստի, կրկին դիմում ենք Ձեզ նույն առաջարկով. շտապ հաղորդեցեք մեզ խաղաղ բանակցությունների համար պատվիրակությունների հանդիպման ժամկետի մասին»³:

Անցավ ևս մեկ օր, և Հերհերում Յապոնից ստացվեց հետևյալ գրությունը.

«Պ. Պ. Արտ. Կարինյանին և Վ. Մելնիկովին.

Այս բոսնիս ստացա կառավարությունից հրահանգ, որ բանակցությունների վայր է նշանակված Ղալաջուղ գյուղը, որտեղ և Դուք տեղումս եղած պատգամավորների հետ պետք է բարեհաճեք մեկնել: Ձեզ Գնդավազ բերելու համար վաղը՝ ամսիս 10-ին, ուղիղ ժ. 12-ին մեր և Ձեր առաջավոր դիրքերի մեջ եղած տարածության վրա կլինի մեր մարդը, որը կուղեկցի Ձեզ Գնդավազ:

Ժ. 18-ին, 9 մայիսի 1921

Գնդավազ»:

Յապոնը գրության վերջում ավելացրել էր.

«Հ. Գ. Ձեզ համար սահմանի վրա պատրաստ կլինի երկու ձի, այնպես որ Ձեր մոտ եղած ձիերը սահմանից կարող եք հետ ուղարկել:

նույն»⁴:

Այդ ամենի մասին Կարինյանը և Մելնիկովը Մալիշկա գյուղից Նորաշենի հեռագրատան միջոցով մայիսի 9-ին գեկուցում են Նրևան՝ արտգործկոմի տեղակալ Պ. Մակինցյանին և ղորքերի երևանյան խմբավորման հրամանատար Վելիկանովին⁵:

Մայիսի 11-ի առավոտյան Հերհերից գալով Գնդավազ, Ա. Կարինյանը և Վ. Մելնիկովը մեկնում են Սիսիան՝ հանդիպելու Գորիսի կառավարության ներկայացուցիչների հետ⁶, իսկ պատվիրակության մյուս երեք անդամները վերադառնում են Նրևան:

² Նույն տեղում, թ. 20-ի շրջերևույթ:

³ Նույն տեղում, թ. 46:

⁴ Նույն տեղում, թ. 41:

⁵ Նույն տեղում, թ. 114, ց. 2, գ. 70, թ. 5, 6, 7:

⁶ Նույն տեղում, թ. 1:

Բանակցությունների դործընթացն արագացվեց Ալեքսանդր Մյասնիկյանի՝ Հայաստանի դալուց հետո:

1921 թ. մարտի 21-ին ՌԿ(Բ)Կ Կենտկոմը որոշել էր Հայաստան աշխատանքի ուղարկել կոմունիստական կուսակցության և խորհրդային պետության աշխատող ներկայացուցիչ Ալեքսանդր Մյասնիկյանին: Կենտկոմի կազմը որոշող սրբազան արև ժամանակվա ամենախոշոր բոլշևիկյան հայ գործիչը նշանակվեց Հայհեղկոմի նախագահ և մտցվեց Հայաստանի կոմկուսի կենտկոմի, նրա բյուրոյի և ՌԿ(Բ)Կ Կոմկուսյան բյուրոյի կազմի մեջ:

1921 թ. մայիսի 4-ին ժամանելով Երևան, Ալ. Մյասնիկյանն անմիջապես տեսնում է Հայաստանի հեղկոմի նախագահի պարտականությունների կատարմանը: Մայիսի 9-ին հրավիրվեց Երևանի կուսակցական կազմակերպության և Հայաստանի արհեստակցական միությունների միացյալ ժողով, որտեղ հանրապետության նոր ղեկավարը հանգես եկավ իր առաջին ծրագրային ճառով: Համառոտ ելույթում նա շարադրեց հանրապետության առջև կանգնած անասելի լարող խնդիրների լուծման իր մոտեցումները:

Անդրադառնալով Հայաստանում ստեղծված ծանր կացությանը, Ալեքսանդր Մյասնիկյանը շեշտում էր. «Դուք տեսնում եք, որ դրույթունը անմիջապես է: Սա ամենադժգին, ամենադժգին երկիրն է Անդրկովկասում: Դեռ այս երկրի փողոցներում, դաշտերում, հիշեք Ալեքսանդրապոլը, ցրված են դիակներ: Բաղդր ահադին է: Պետք է կովել քաղցի դեմ»:

Մյասնիկյանը դատապարտում էր գյուղացիության և մտավորականության նկատմամբ Հայաստանում խորհրդային իշխանության առաջին ամիսներին թույլ տրված կոպիտ սխալներն ու անօրինականությունները: Մենք կաշխատենք խուսափել սևիական երկրում նոր եղբայրասպան կռիվներ մղելուց, ասում էր նա: Զանգեզուրում մեր դեմ կովող դինավորներին մենք դիմում ենք ոչ թե որպես ռեպրեսիվ թշնամիներին, այլ իբրև շինել հազած գյուղացիների, որոնք ոչ մի շահ չունեն կրակելու Կարմիր բանակի դինավորներին՝ նույնպես շինել հազած գյուղացիների վրա:

Հայաստանի դալուց անմիջապես հետո, ծանոթանալով իրադրությանը, Մյասնիկյանը հավանություն տվեց այն քայլերին, որ ՀԽՍՀ կառավարությունն արդեն արել էր Լեռնահայաստանի հետ բանակցությունների նախապատրաստման ուղղությամբ:

Նախքան պատվիրակությունը Ղախուզուղ ուղարկելը Հայհեղկոմի նախագահ Ալ. Մյասնիկյանի ստորագրությամբ մամուլում հրապարակվեցին Լեռնահայաստանի կառավարությանն ուղղված առաջարկներ ու պայմաններ, որոնք կարող էին հիմք հանդիսանալ հաշտության համար: Հիմնական պայմաններն էին.

Առաջին, Զանգեզուրի կառավարությունը, լեռնաշխարհի բոլոր ըմբոստարները պետք է հրաժարվեն դինաված պայքարից, լուծարեն իրենց իշխանության մարմինները և հպատակություն հայտեն Խորհրդային Հայաստանի կառավարությանը:

Երկրորդ, Հայհեղկոմը ընդհանուր ներում էր խոստանում նրանց, ովքեր կովել էին Լեռնահայաստանի կառավարության դորքերի կազմում, բայց այժմ ցած են դնում գեներները և հպատակվում: Ըստ որում, ներման երաշխիք էր տրվում բոլորին՝ և շարքայիններին, և դեկավարներին: Նույնիսկ ամենաակտիվ դաշնակցական ռոբիշները, ըստ խոստման, չպիտի ենթարկվեն տնտեսական ճնշումների կամ քաղաքական հալածանքների, կարող էին ապրել այնուհետ, որտեղ դանկանում էին, այդ թվում՝ Զանգեզուրում:

Երրորդ, կատարվելու էին տնտեսական ու սոցիալական արմատական վերափոխումներ, մասնավորապես արդարացի լուծվելու էր հողային խնդիրը, այսինքն՝ Լեռնաշխարհի աշխատավոր գյուղացիությանը հուղող գլխավոր հարցը:

7 Ալ. Ֆ. Մյասնիկյան, Ընտիր երկեր, Ե., 1957, էջ 336:

Չորրորդ, մեծապես զարկ էր տրվելու կուլտուրական շինարարությանը, առանձնապես դպրոցական գործին⁸:

Մյասնիկյանը ուշագիտ հետևում էր Զանգեզուր մեկնած ՀեՍՀ պատվիրակության աշխատանքին:

Սիսիանի Ղալաջուղ գյուղ՝ հասած Ա. Կարինյանը և Վ. Մելնիկովը մայիսի 11-ին այնտեղ հանդիպեցին Լեռնահայաստանի կառավարության պատվիրակության հետ:

Խորհրդային պատվիրակներին այստեղ միայն հայտնի դարձավ, որ Լեռնահայաստանի կառավարությունը դեռ մայիսի 6-ին քննության է առել բանակցություններ սկսելու հետ կապված հարցերը և ընտրել երեք հոգուց բաղկացած պատվիրակություն, որի մեջ էին Գեղեոն Տեր-Մինասյանը (ղեկավար), արտաքին գործերի նախարար ԲԺ. Մինաս Մինասյանը և զինվորական Լևոն Միքայելյանը: Նրանց հետ էր նաև Գառնիկ Շահինյանը, որը պատվիրակության մեջ չէր մտնում, այլ կատարելու էր քարտուղարի պարտականություններ⁹:

Բանակցությունների առաջին նիստը կայացավ մայիսի 12-ին, առավոտյան ժամը 10-ին:

Փոխադարձաբար լիազորություններ ստուգելուց հետո երկուստեք համաձայնությամբ որոշվում է նիստերը նախադահլ փոխնիփոխ, իսկ բանակցությունները վարել հայերեն:

Առաջին նիստի նախագահ է ընտրվում Լեռնահայաստանի կառավարության պատվիրակության ղեկավար Գ. Տեր-Մինասյանը:

Բացելով նիստը, նա հանդես է դալիս Լեռնահայաստանի կառավարության հայտարարությամբ, ապա ողջունում է Հայաստանի խորհրդային կառավարության ներկայացուցիչների ժամանումը Լեռնահայաստան և հույս է հայտնում, որ երկու պատվիրակությունների բանակցությունները հնարավորություն կընտան ստեղծելու այնպիսի տանելի փոխհարաբերություններ հրկու պետությունների միջև, որոնք, ի վերջո, կհանգեցնեն վերջնական խաղաղության:

Տեր-Մինասյանը ընդարձակ ակնարկ է նետում Զանգեզուրի վերջին՝ ավելի քան երեք տարվա պատմության վրա, նշում է հանդիմաններն այն հերոսական պայքարի, որ մղել է Լեռնաշխարհի հայությունն իր ազատ ու անկախ գոյության համար տաճկական ու ադրբեջանական զավթիչների, Ադրբեջանի իրենց հովանավորության տակ վերցրած անդլիական իմպերիալիստների դեմ:

Լեռնահայաստանի կառավարության պատվիրակության ղեկավարի հայտարարությունից հետո խոսք առավ Խորհրդային Հայաստանի պատվիրակության ղեկավար Արտուր Սիմոնյանը, որը բարձրացրեց մի շարք հարցեր:

Իր ելույթի սկզբում Ա. Կարինյանը հայտնեց, որ Հայաստանի խորհրդային կառավարությունն իրեն հանձնարարել է հաղորդել Լեռնահայաստանի կառավարությանը՝ խաղաղ կերպով վերջ տալ քաղաքական այն պատերազմին, որը տևում է այժմ և Լեռնահայաստանում հաստատել խորհրդային կարգեր¹⁰:

Երկրորդ հարցը վերաբերում էր Զանգեզուրի՝ իրենց բնակավայրերից հեռացած թուրք գաղթականների վերադարձին, որը, Ա. Կարինյանի կարծիքով, չի վնասելու տեղի հայերի շահերին¹¹:

Վերջում Կարինյանը բարձրացրեց բոլի հարցը, շեշտելով, որ տափարակներում ապրող թուրք բնակչությունն առանց բոլի չի կարող ապրել: Նա նշեց նաև, որ ճիշտ կլիներ, եթե Զանգեզուրի գյուղացիությունն ինքը կամովին տջակցեր այդ կոնկոտ խնդրի լուծմանը: Կարելի է այնպես կազմակերպել ալը

⁸ ՀՀ ՆՊԿՊԱ, ֆ. 113, ց. 4, գ. 22, թ. 1:

⁹ Սիսիանի Ղալաջուղ գյուղն ընկած էր աշխարհից կտրված մի խոր ձորի մեջ: Ղալաջուղն այժմ գոյություն չունի, նրա բնակիչները 30-ական թվականներին վերաբնակություն են հաստատել շրջանի ուրիշ գյուղերում (ՀՀ ՀՔԿԿՊԱ, ֆ. 4033, ց. 4, գ. 73, թ. 71):

¹⁰ Հայրենիք (ամսագիր), 1926, № 8, էջ 40:

¹¹ ՀՀ ՆՊԿՊԱ, ֆ. 113, ց. 3, գ. 61, թ. 7:

¹² Նույն տեղում:

խնդիրը, ասաց նա, որ քոչը ոչ մի վնաս չհասցնի լեռներում ապրող հայ դուռեցիներին: Իսկ եթե մենք կարողանանք խնդիրն իրապես լուծել, դրանով իսկ կառնուցենք բարեկրթական հարաբերությունները հայ և թուրք դուռեցիության միջև: Հայաստանի Խորհրդային կառավարությունը հենց դրան է ձգտում:

«Առաջարկելով Ձեզ այդ բոլորը, կխնդրեի տալ պատասխան Հայաստանի Խորհրդային կառավարության առաջարկին»¹². Ելույթի վերջում ասում է Կարինյանը:

Խորհրդային Հայաստանի կառավարության ներկայացրած առաջարկների կապակցությամբ Լեռնահայաստանի կառավարության պատվիրակության անդամները հանդես եկան լուրջ առաջարկություններով:

Գ. Տեր-Մինասյանը նշում էր, որ աննպատակահարմար է թուրք բնակիչներին վերադարձնել ամենից առաջ այն պատճառով, որ Զանգեզուրում «հողի ոռոգիչի ուսկալի ուսկալություն կա»: Քոչի հարցի կապակցությամբ նա Երևանի պատվիրակության ուղարկությունը հրավիրեց այն բանի վրա, որ «դեռ ցարիզմի ժամանակ ձդտում կար իշխանություն կողմից որևէ կերպ վերջ տալ այդ թափառական կենսաձևին և նոցա դարձնել նստակյաց, որովհետև քոչի շրջանում տեղական աղդարնակության և քոչվորների միջև շատ հաճախ են սլատառում սպառնություններ, թալան, կոռիվներ, որոնք իրենց հետևանքներով դառնում էին աղղամիջյան կոռիվներ»¹³:

Այլ խոսքով, Լեռնահայաստանի պատվիրակության ղեկավարը պարզ ու հստակ հանդես եկավ ինչպես թուրք ղաղթականությունը Զանգեզուր վերադարձնելու անհրաժեշտության, այնպես էլ թուրքերի քոչը Զանգեզուրի սարերը լրարձանալուն արդելք չհանդիսանալու՝ Ա. Կարինյանի առաջարկների դեմ: Մակալին հետագա խոսակցությունների ընթացքում թուրք ղաղթականությանը վերադարձնելու հարցում Լեռնահայաստանի պատվիրակության տեսակետում սեղի է ունենում փոփոխություն. Գ. Տեր-Մինասյանը հակվում է այն կարծիքին, որ թուրքերի վերադարձի հարցը կարող է և ընդունելի լինել¹⁴:

Գ. Տեր-Մինասյանը և Մ. Մինասյանը ցանկություն են հայտնում իմանալ, թե ինչ վիճակի մեջ են Խորհրդային Հայաստանի և Թուրքիայի փոխհարաբերությունները և Շարուր-Նախիջևանի խնդիրը: Ա. Կարինյանը պատասխանում է, որ Ալեքսանդրապոլի 1920 թ. մարտի 16-ին կնքած պայմանագրի համաձայն, Կարոն անցել է Թուրքիային, իսկ Ալեքսանդրապոլն իր շրջանով մնում է Խորհրդային Հայաստանին: Ինչ վերաբերում է Շարուր-Նախիջևանին, ապա Կարինյանը նշում է, որ Խորհրդային Ռուսաստանի և Թուրքիայի միջև կնքված դաշինքի հիման վրա Շարուր-Նախիջևանը դառնում է ինքնավար միավոր Խորհրդային Ադրբեջանի հովանու ներքո: Ըստ որում, Ա. Կարինյանն ալդ կապակցությամբ անում է հավատ չներշնչող ուրիշ հայտարարություն, ասելով, թե Նախիջևան-Շարուրի «տեղական թուրք աղղարնակությունը դիմում է և ցանկանում, որ հայությունը վերադառնա» և որ, իբր, «այդ ուղղությամբ աշխատում են առանձնապես թուրք դորժիչները»¹⁵:

Հարցին միջամտում է Երևանի պատվիրակության անդամ Մելնիկովը, ցանկություն հայտնելով իմանալ, թե «ինչպե՞ս է նախում պատգամավորությունը (Լեռնահայաստանի — Ա. Ս.) այն հիմնական հարցին, որ Զանգեզուրը և Լեռնային Ղարաբաղը պետք է մտնեն Խորհրդային Հայաստանի մեջ, որպես նրա անբաժան մասեր»¹⁶:

Քանի որ այդ երկրամասերը Խորհրդային Հայաստանին վերադարձնելու մասին չկային համադաշնապետական որոշումներ, և դա առաջժամ մնում էր որովհետև

¹² Նույն տեղում:

¹³ Նույն տեղում, թ. 7 և շրջերես:

¹⁴ Նույն տեղում, տե՛ս նաև Ս. Վրացյան. Կյանքի ուղիներով, Բեյրութ, 1967, հ. 2, էջ 239—240, 241:

¹⁵ 22 ՆՊԿՊԱ, ֆ. 113, ց. 3, գ. 61, թ. 8, տե՛ս նաև Ս. Վրացյան, նշվ. աշխ., էջ 240:

¹⁶ 22 ՆՊԿՊԱ, ֆ. 113, ց. 3, գ. 61, թ. 8-ի շրջերես:

լուկ խոսակցություն, Գ. Տեր-Մինասյանն ասում է, որ «մեր կենտրոնական կառավարության հետ» խորհրդակցելուց հետո միայն «ի վիճակի կլինենք վերջնական պատասխան տալ»։ Նա, միաժամանակ, նկատում է, որ Նախիջևանի հարցը «Դուրս դնում եք որպես արդեն վճռված հարց», բայց նման ձևով հարցի լուծումը կապ չունի բանականության հետ. Զանգեզուրի թիկունքում ստեղծվում է նրան թշնամի մի ինքնավար թուրքական միավոր։ Ակնարկելով Մեմլեկովի այն միտքը, թե Զանգեզուրը մնում է Հայաստանի կազմի մեջ, նա ավելացնում էր. «Զգիտեմ ինչպե՞ս պետք է խորհրդային Հայաստանը կապ ուղարկի Զանգեզուրի հետ՝ առանց Նախիջևանի։ Պետք է այդ հարցը համարել չսպառնալի, Երևանի կառավարությունը պետք է աշխատի մի ելք գտնել, որպեսզի Նախիջևանը լինի խորհրդային Հայաստանի մի մասը»¹⁷։

Ա. Կարինյանը շեշտում է, որ Նախիջևանի հարցը վերջնականապես վերջորոշված է Ադրբեջանի օգտին և ավելորդ է այլևս դրան անդրադառնալ։ Իր հերթին, Մեմլեկովը զարմանք է հայտնում, որ Լեոնահայաստանի պատվիրակությունը Նախիջևանին այդքան մեծ նշանակություն է տալիս։ «Նախիջևանի հարցը այդքան կարևոր հարց չէ», — ասում է նա։ Ապա, Նախիջևանահայության միացորդների ճակատագրի հանդեպ զանգեզուրցիների տագնապը փարատելու համար ավելացնում է. «Մենք Ռուսիայում էլ ունենք նման ավտոնոմ մասեր, օրինակ, բաշկիրները և գործնականապես այն տեղերում, ուր ազգաբնակչությունը ռուս չէ։ Նույնը և պետք է կատարվի այստեղ Նախիջևանի հետ»։ Իսկ եթե տեղի հայությունը ենթարկվի ճնշումների, ապա խորհրդային կառավարությունն այնքան ուժ կունենա, որ «նման հակահեղափոխական ուսման ձգտությունների առաջն առնի»¹⁸։

Հանդես դալով Նախիջևանի մասին Մեմլեկովի արտահայտած տեսակետի դեմ, Լ. Միքայելյանն ասում է. «Որքան էլ ընկ. Մեմլեկովը Նախիջևանի հարցը համարի ոչ կարևոր, բայց ես գտնում եմ, որ դա չափազանց կարևոր խնդիր է, մանավանդ, Զանգեզուրի քաղաքական ասպագայի տեսակետից։ Արժեք, որ այդ հարցը պարզաբանվի բոլոր կողմերից և ըստ ամենայնի՝ ուշիմ և ուշադիր։ Սխալ է ընկ. Մեմլեկովը, երբ Նախիջևանի հարցը, նրա ավտոնոմ վիճակը համեմատում է Ռուսաստանում գոյություն ունեցող ավտոնոմ շրջանների հետ։ Այն պատմական, ցեղային և հոգեբանական անտագոնիզմը, որ կա հայ և թուրք ազգաբնակչության միջև մեզանում, պետք է հաշվի առնվի... Այլ բան է Ռուսաստանի ավտոնոմ շրջանների և ռուս ժողովրդի հարաբերությունը անցյալում. նրանք չեն ունեցել և ոչ մի ազգամիջյան կոնֆլիկտ, ինչ մեզանում գոյություն ունի դարերով»։ Մեմլեկովը կրկին պնդում է իր տեսակետը, ասելով. «Մի երկիր, եթե նա խորհրդային է, թեկուզ և ավտոնոմ, իդեալ է առաջնորդվի կենտրոնի հրահանգներով և կառավարվի խորհրդային քաղաքականությամբ, իդուր են Ձեր բոլոր երկյուղներն ու կասկածները Քանի կա ու գոյություն ունի խորհրդային իշխանություն, չի կարող և ոչ մի պարագայում լինել ոչ վեճ, ոչ կոտորած և ոչ ընդհարում»։

Նախիջևանի հարցում Լեոնահայաստանի պատվիրակությունը մնում էր իր կարծիքին։ «Դուրս», — ասում է Տեր-Մինասյանը, — դուր եք տյոգբառն շնչին դեր տալիս ավտոնոմ Նախիջևանին, որը մի սեպի պես մտած է Հայաստանի կուրծքը, իր հետ ունենալով, լավ է ասել՝ թիկունք ունենալով, Տաճկաստանի մահմեդական ծովը և ճակատում մի բուռ հայ ժողովուրդ»։ Նա դրոշմում է, որ Մեմլեկովի ասածն իրականություն դարձնելու համար անհրաժեշտ են փաստացի

¹⁷ Նույն տեղում. տե՛ս նաև Ա. Վրացյան, նշվ. աշխ., էջ 241—242։

¹⁸ ՀՀ ԳԿԳԱ, ֆ. 113, ց. 3, դ. 61, թ. 10։

* Հետագա տասնամյակներում Նախիջևանահայության ողորդական ճակատայինը ակնուղից տվեց, որ երիցս ճիշտ էին Լեոնահայաստանի պատվիրակները, հիմնավորված՝ նրանց տագնապները, իսկ Երևանի պատգամավորների՝ սմարտը, ռեպատկան տեսության վրա հիմնված պնդումները սնանկ դուրս եկան։

և ուժեղ երաշխիքներ, որոնցից մեկը նա համարում էր ժողովրդի գինումը, այլ ոչ թե գինաթափումը¹⁹:

Առաջին նիստի հարցերը սպառվելու վրա էին, երբ Մ. Մինասյանը ցանկություն հայտնեց Երևանի պատվիրակության պահանջները ստանալ գրավոր և կես առ կեսու նա նաև ուղղում էր իմանալ. Երևանի պահանջները անբեկանելի են, թե պետք է մտնեն օրակարգի մեջ, դառնան բանակցությունների առարկա: Այդ հարցադրմանը միանում է Լ. Միքայելյանը:

Ա. Կարինյանը պատասխանում է, որ արդեն բարձրացված հարցերը անսպասելի պետք է մտնեն օրակարգի մեջ և քննարկվեն: Նա, այնուհետև, ավելացրեց, որ օրակարգային հարցերը կանոնավոր քննարկելու համար կողմերից մտնեն մեկը պետք է հնարավորություն ունենա մշտական կապի մեջ լինելու իր կառավարության հետ՝ բանակցությունների ընթացքին մշտապես տեղյակ պահելու և նոր ցուցումներ ստանալու համար: Բայց աշխարհից կտրված Ղալաշույլի պարագից մենք հնար չունենք հաղորդակից անելու մեր կառավարությանն առաջարկի անցուցարձի և բանակցությունների ընթացքի մասին: Ելնելով դրանց, նա առաջարկում է փոխել բանակցությունների վայրը:

Միաժամանակ, Կարինյանը կտրուկ հարց է դնում. Զանգեզուրի կառավարությունը ընդառաջ կգնա՞ խորհրդային կողմին, կընդունի՞ նրա առաջարկները, թե՞ կմերժի դրանք: Մենք ի վիճակի չենք երկար սպասելու, երկուսս էլ ունենք պատառիանատու դորժեր: Պետք է իմանանք. կհաջողվի՞ մեզ մի ընդհանուր լեզու գտնել, թե՞ ոչ²⁰:

Դրան ի պատասխան, Գորիսի պատվիրակությունը նորից է առաջ քաշում հիմնական ուղահանքը. «Քանի դեռ Լեռնահայաստանի խորհրդային իշխանության կողմից չի ճանաչված որպես Հայաստանի անբաժան մաս, մենք չենք ճանաչելու խորհրդային իշխանությունը»²¹:

Հարցերը սպառված համարելով, առաջին նիստը որոշում է, որ նույն օրը՝ մայիսի 12-ի ցերեկվա ժամը 4-ին Հայաստանի խորհրդային կառավարության ներկայացուցիչներն իրենց վերահիշյալ առաջարկությունները գրավոր հանձնում են Գ. Տեր-Մինասյանի գլխավորած պատվիրակությանը, որպեսզի ներկայացվեն Լեռնահայաստանի կառավարությանը՝ քննարկման: Դա լինելու էր բարձրացված հարցերի վերաբերյալ խորհրդային Հայաստանի կառավարության ղեկավարացիան:

Նշանակված ժամին Ա. Կարինյանը և Վ. Մելնիկովը Գ. Տեր-Մինասյանին են հանձնում խորհրդային Հայաստանի և 11-րդ Կարմիր բանակի գորահրամանատարության գլխավոր ղեկավարացիան Գորիսի կառավարությանը²², որտեղ կտրուկ դրված էր Լեռնահայաստանի անհետաձգելիորեն խորհրդայնացման և խորհրդային Հայաստանի հետ միավորելու պահանջը²³:

Հաջվի առնելով լեռնավայրի գյուղացիության ընդհանուր տրամադրությունը, այն, որ սակավահողության պատճառով Զանգեզուրը չի կարող կերակրել նույնիսկ իր ունեցած բնակչությանը, խորհրդային Հայաստանի կառավարությունը հայտարարում էր, որ Զանգեզուրից գաղթած թուրքերը չեն վերադառնա իրենց նախկին բնակավայրերը՝ հակառակ տեղացի գյուղացիության ցանկության*:

¹⁹ ՀՀ ՆՊԿՊԱ, ֆ. 113, ց. 3, գ. 61, թ. 10-ի շրջերես, տե՛ս նաև Ա. Վրացյան, Նշվ. աշխ., էջ 242—243:

²⁰ Ա. Վրացյան, Նշվ. աշխ., էջ 241:

²¹ Հայրենիք, 1925, № 11, էջ 86:

²² Ա. Վրացյան, Նշվ. աշխ., էջ 249—251:

²³ ՀՀ ՆՊԿՊԱ, ֆ. 1022, ց. 8, գ. 305, թ. 1:

* Հետագայում, խորհրդային Հայաստանի կառավարության համաձայնությամբ, բոլոր գաղթած թուրքերը իրավունք ստացան վերադառնալու հանրապետության իրենց նախկին բնակավայրերը, այդ թվում՝ Զանգեզուր: Բացի Գորիսի շրջանից, որտեղ թուրք բնակչությունը չկարողացավ հիմնավորվել, Զանգեզուրի մնացած երեք շրջաններում՝ Սիսիանում, Ղափանում և Մեղ-

Այս ամենից հետո Ա. Կարինյանը և Վ. Մելնիկովը, նորից ընդգծելով, որ իրենք հանձնարարություն ունեն լեռնահայաստանի կառավարության պատվիրակությանը հայտնելու վերցրած բոլոր պարտավորությունները կատարելու և անհրաժեշտ երաշխիքներով ապահովելու խորհրդային կողմի պետականության մասին, նաև խնդրում էին «շտապ կարգով» բնակ խորհրդային իշխանության առաջարկը և տալ պատասխան ամենակարճ ժամանակվա ընթացքում:

Նույն օրը՝ մայիսի 12-ի երեկոյան ժամը 6-ից 9-ը տեղի ունեցավ Երևանի գյուղատնտեսների երկրորդ նիստը: Պատվիրակությունների նույն կազմն էր, նիստին նախագահում էր Ա. Կարինյանը:

Գորիսի պատվիրակության անգամներն արդեն ծանոթացել էին խորհրդային կողմի դեկլարացիային, ուստի նրանց համար պարզ էր, որ Հայաստանի կառավարության գլխավոր պահանջը լեռնահայաստանի խորհրդայնացումն էր:

Գ. Տեր-Մինասյանին հանձնելով դեկլարացիայի գրավոր տեքստը, Ա. Կարինյանը ասում է, որ լավ կլիներ, որ հենց այստեղ՝ Ղալաջուղում, Գորիսի պատվիրակությունը որևէ ձևով բանաձևեր բանակցությունների արդյունքը և որոշակի պատասխան տար դեկլարացիայում արված հիմնական առաջարկին²⁵:

Գ. Տեր-Մինասյանը պատասխանում է, որ Զանգեզուրի խորհրդայնացումն պահանջի հարցին ոչ իր գլխավորած պատվիրակությունը, և ոչ էլ նույնիսկ իր կառավարությունը, ի վիճակի չեն պատասխան տալու, բայց որ դա ան խորհրդին է, որը «բացառապես վերաբերում է ժողովրդին, և նրա վճռելու հարցն է, ուստի պետք է ժողովրդի կամքը հարցնել»: «Ինքը՝ ժողովուրդն է, որ իր լավագույն դավանների գնով ստեղծել է հայրենիք և կառավարություն, որ պայքարում է իրեն բոլոր կողմերից եկած ռազմականների դեմ: Ժողովուրդն է իրավասու իր համագումարով լուծելու այդ հարցը: Այլ ժողովուրդը չի կարող կույր հավատ տալով հրաշխիքների սուսին տված խոստումներին: «Եղբի կրտսերներ շատերն են տվել, ինչպես Գևորգյանի՝ Բելլիային, Լեղոսյանի՝ Հայտատանին: Մեր միակ երաշխիքը մեր ժողովրդի զենքն է ու կամքը»: Այդպես, Երբ արախելով իր խոսքը, նա ասում է. «Եթե անգամ մենք համաձայնենք Ձեր առաջարկներին, ժողովուրդը կարող է հոշոտել մեզ»²⁶:

Լեռնահայաստանի պատվիրակությունը ոչ այնքան մտահոգ էր Զանգեզուրում խորհրդային կարգեր մտցնելու հեռանկարով, որքան զրու հնարավոր երկու հետևանքներով. ա) Զանգեզուրը կարող է հայտնվել Ադրբեյջանի կազմում, բ) Զանգեզուրում կարող են ծայր առնել այնպիսի խստություններ, որոնք տեղի էին ունեցել Հայաստանում:

Զանգեզուրի տագնապներն օրինալից էին. Հայաստանից նախընտանիք ընձազավթումը խարխուլ էր զանգեզուրցիների հավատը: Հարևանների հետ հայերի ունեցած տերիտորիալ հարցերը խորհրդային իշխանությունը լուծում էր ոչ թե Անդրկովկասի բոլոր երեք հիմնական ժողովուրդների վրա տարածվող ընդհանուր ազդագրական սկզբունքով, այլ պրոլետարիատի դիկտատուրայի շահերից ելնելով, այսինքն՝ տվյալ պահին իշխանության: Համար նախատեսված հարմարության սկզբունքով: Մյուս կողմից, դեռ չափազանց թարմ էր Հայաստանում խորհրդային իշխանությունն հաստատելուց հետո Ա. Կասյանի գրախոսած ՀԽՍՀ առաջին կառավարության կողմից սանձադրժուժ բռնությունների մասին հիշողությունը, ուստի նրանք, բնականաբար, հավատ չէին տալով նաև Այլ. Մյասնիկյանի գլխավորած Երևանի նոր կառավարությունը խոստացած երաշխիքներին և համընդհանուր բաղադրական հերքման մասին արված հայտարարություններին:

Ընդամենը Գորիսի բնական սրագ աճը մի քանի տասնամյակ հետո ժողովրդագրական վիճակի փոփոխման սպառնալիք էր ստեղծել այստեղ:

²⁴ ՀՀ ՀԲԿՖՊԱ, ֆ. 1022, ց. 8, գ. 305, ք. 1, 2:

²⁵ ՀՀ ՆՊԿՊԱ, ֆ. 113, ց. 3, գ. 61, ք. 1, 2:

²⁶ Ս. Վալդյան, նշվ. աշխ., էջ 247:

նիստի վերջում Լեոնահայաստանի պատվիրակության անդամները մտահոգություն են հայտնում, որ եթե իրենք Խորհրդային Հայաստանի կառավարության ղեկավարացիան իրենց կառավարությանը ներկայացնեն այն «շեքքով, ինչպես ստացել են, ասյա կառավարությունը կարող է այն դիտել որպես վերջնադիր և կարականապես մերժել»:

Սրտում ընդունվեց. Խորհրդային կողմի ղեկավարացիան ամբողջովին ներկայացնել Լեոնահայաստանի կառավարությանը և պատասխանի ամար սպասել մինչև մայիսի 15-ը, առավելագույնը՝ ցերեկվա ժամը 12-ը:

Մայիսի 14-ին Լեոնահայաստանի կառավարությունը քննության առավ Խորհրդային Հայաստանի կառավարության ղեկավարացիան:

Ղալաջուրի բանակցությունների ընթացքում Գորիսի պատվիրակության անդամները ենթադրում էին, որ իրենց կառավարությունը, հնարավոր է, որ պետական վերաբերմունք դրսևորի նրանի կառավարության ղեկավարացիայի առանձին կետերի նկատմամբ և կփորձի ընդհանուր լեզու գտնել Խորհրդային Հայաստանի հետ նրանք այդպես էին կարծում, օրինակ, Զանգեզուրից գաղթած թուրքերին վերադարձի հնարավորություն տալու նրանի պահանջի լատինացի Լեոնահայաստանի կառավարությունը կտրականապես մերժեց Հայաստանի կառավարությանը բոլոր ստաջարկներն ու պահանջները, ընդունեց պատասխան ղեկավարացիայի տեքստը:

Կայմանավորված ժամկետին՝ մայիսի 15-ին Լեոնահայաստանի պատվիրակությունը վերադարձավ Ղալաջուր, և բանակցությունները վերսկսվեցին նրա բերած ղեկավարացիայի շուրջ:

Խորհրդային Հայաստանի կառավարությանն ուղղված Լեոնահայաստանի կառավարության պատասխանը սկսվում էր ամենակարևորից՝ Զանգեզուրի քաղաքական ինքնության հարցից: Ենթադրում էր, որ արյան դեղձ ձեռք բերած իրենց պայտառությունը դանդաղություններ չեն կարող դիջել որևէ մեկին, այդ թվում նույնիսկ հայկական Խորհրդային պետությանը, եթե դեռ չկան լեոնավայրը Հայաստանին միացնելու ամուր երաշխիքներ²⁷:

Կառավարության պատասխան-ղեկավարացիայում հստակ պատասխան էր տրված Զանգեզուրի համար երկու կենսական հարցերի, որոնք բարձրացված էին Խորհրդային Հայաստանի իշխանությունների կողմից ներկայացված ղեկավարացիայի մեջ:

1. Կոնվենտի հետևանքով Զանգեզուրից հեռացել էր Լեոնահայաստանի քաղաքական անկախության և ժողովրդի ֆիզիկական գոյության դեմ դրված ու պայքարած թուրք ընակչության մի մասը: Զանգեզուրի կառավարությունը վճռականորեն հայտարարում էր, որ «այդ հարցը ոչ միայն չպետք է դնել որևէ ժողովի քննության», այլև այն պետք է համարել փրկված և «արգելել որևէ վերադարձված Լեոնահայաստանի սահմաններում»²⁸:

2. Ոչ պակաս հուզող հարցի՝ քոչի կապակցությամբ Լեոնահայաստանի կառավարությունը ազդարարում էր. «Մեր երկիրը պետք է ազատ լինի քոչվորների ասպատակություններից, որոնց ներկայությունը մեր լեռներում, մեր ժամանակի քաղաքական պայմաններում կարող է դրսի ուժերի համար դառնալ արևելիկ քաղաքականության գործիք»²⁹:

Վերջում Լեոնահայաստանի իշխանությունը հետևյալ հարցերն էր առաջադրում ապագա բանակցությունների համար.

1. Լեոնահայաստան ռուսական ու հայկական կարմիր զորամասերը իրեն խնդիրը, 2. Լեոնահայաստանի զորքի և հրամանատարության գինեթափման խնդիրը, 3. Լեոնահայաստանի գյուղացիությանը դիմելու խնդիրը, 4. Լեոնահայաստանի իշխանության կազմակերպման ձևի ու եղանակի հարցը, 5. Լեոնահայաստանում քաղաքական կուսակցությունների ու մամուլի խնդիրը:

²⁷ ՀՀ ՆՊԿՊԱ, ֆ. 113, ց. 3, գ. 61, թ. 18, 19, տե՛ս նաև Ս. Վրացյան, նշվ. աշխ., էջ 254:

²⁸ ՀՀ ՆՊԿՊԱ, ֆ. 113, ց. 3, գ. 61, թ. 18-ի շրջերես և թ. 18ա: Տե՛ս նաև Ս. Վրացյան, նշվ. աշխ., էջ 255:

²⁹ ՀՀ ՆՊԿՊԱ, ֆ. 113, ց. 3, գ. 61, թ. 18ա, տե՛ս նաև Ս. Վրացյան, նշվ. աշխ., էջ 258:

րը, 6. Հայերեն լեզուն Լեռնահայաստանի պետական-պաշտոնական լեզու հայտարարելու, զորքի ու հիմնարկությունների մեջ դրա առաջատար զերը ապահովելու խնդիրը, 7. Լեռնահայաստանի սահմաններից պարեն ու ռազմամթերք զուրս տանելու խնդիրը, 8. Զորականների, քաղաքական, հասարակական ու պետական գործիչների երաշխավորված անվտանգության, նրանց ազատ գործելու, ինչպես նաև հանցագործ տարրերին Լեռնահայաստանից վտարելու խնդիրը, 9. Շարուր-Նախիջևանի հարցը³⁰:

Վերջում Լեռնահայաստանի պատվիրակությունը հայտնում է, որ իր կառավարությունը ցանկալի է համարում շարունակել բանակցությունները և հավատում է, որ երկուստեք փոխզիջումների միջոցով կգտնվի բնդհանուր լեզու՝ անարյուն և խաղաղ ճանապարհով լուծելու բոլոր խնդիրները և կանխելու որևէ հնարավոր ընդհարում³¹:

Խորհրդային Հայաստանի պատվիրակության համար պարզ գարձավ, որ իր այդ պատասխանով Զանդեզուրի իշխանությունը փորձում է ժամանակ շահել՝ իր զորքերը կազմակերպելու և ընդհանրապես գործերը կարգի բերելու համար: Կասկած չէր մնում, որ Նոգին հրահանգել է վերջ տալ բանակցություններին:

Այսպիսով, Լեռնահայաստանի կառավարությունը Ղալաջուզի բանակցություններում, ըստ էության, հրաժարվեց համաձայնության զալ խորհրդային կողմի հետ:

Նոսրյա բանակցություններից հետո Ա. Կարինյանի պատվիրակությունը (Երազարձավ Երևան՝ իր կառավարությանը տանելով Լեռնահայաստանի կառավարության առաջարկները և պահանջները:

Ղալաջուզի բանակցությունների ժամանակ ձեռք բերված պայմանավորվածություններից հետո Լեռնահայաստանում սպասում էին խորհրդային Հայաստանի կառավարության պատասխանին:

Բայց պատասխան չէր ստացվում:

Կարմիր բանակի հրամանատարությունը չէր տեսնում Լեռնահայաստանի լինդրի կարգավորման խաղաղ ելքը և երկրամասի դեմ պատրաստվում էր նոր արշավանքի, որովհետև միայն հաղթական կովով կարող էր փրկել իր զենքի լիատիվը, ինչ-որ չափով մեղմել 1920 թ. հոկտեմբեր-նոյեմբերին կարմիր զորամասերի կրած պարտության դառը հիշողությունը: Եվ եթե Հայաստանի կառավարությունը հարգեր Լեռնահայաստանի կառավարության պահանջները, դա, ըստ էության, կնշանակեր բանակի պարտությունը:

СИСИАНСКИЕ ПЕРЕГОВОРЫ ПРЕДСТАВИТЕЛЕЙ ПРАВИТЕЛЬСТВ СОВЕТСКОЙ АРМЕНИИ И ГОРНОЙ АРМЕНИИ

(май 1921 г.)

А. Г. СИМОНЯН

Резюме

В начале июля 1920 г. войска 11-ой Красной армии совершили нападение на Зангезур, с целью разгрома армянских вооруженных сил во главе с Гарегином Нжде, захвата уезда и присоединения его к Советскому Азербайджану. Развернулись кровопролитные бои, которые в ноябре 1920 г. завершились полнейшим разгромом красных

³⁰ ՀՀ ՆՊԿՊԱ, ֆ. 113, ց. 3, գ. 61, թ. 18ա-ի շրջերես:

³¹ Խորհրդային Հայաստան, 15.VII.1921:

войск, остатки которых покинули рубежи Зангезура и ушли в Азербайджан.

С января по июнь 1921г. советские власти предприняли многочисленные попытки установить связь с Зангезурским правительством и лично с Идже с целью убедить правительство Зангезура отказаться от вооруженного сопротивления и мирным путем присоединить Зангезур к Советской Армении. С этой целью также в середине мая 1921 г. были начаты в Сисиане переговоры между правительственными делегациями Советской Армении и Зангезура. Делегация Армении во главе Арташесом Кариняном потребовала от правительства Зангезура безоговорочно распустить свои вооруженные отряды, объявить уезд неотъемлемой частью Советской Армении, разрешить покинувшим в результате межнациональных столкновений рубежи Зангезура азербайджанцам вернуться в свои селения, не препятствовать азербайджанским кочевниками подниматься в зангезурские горы в летние месяцы и т.д. Правительство Гориса отклонило эти требования, так как не видело никаких гарантий в том, что после разоружения своих отрядов Зангезур не будет присоединен к Азербайджану.

После отклонения требований Еревана правительство Идже подготовилось к новым схваткам с Красной армией за независимый Зангезур.